



Motseta

William Marrion Branham

Motseta

wa Phuthego

Mehleng Ya Laoditsea

Kutullo 3:14-22

Motseta wa phuthego ya Laoditsea mo ngwalele O re: Go bolela Yena Therešo, Yena Hlatse ye e botegago, Morereši, Yena Mo—thomahlolo ya Modimo.

O re: Mediro ya gago ke a e tseba. Ke tseba ge O sa tonye, ge O sa fiše. E ka ba e le kaone ge O tonya, goba O fiša.

Bjale, ka ge O le yo bololo fela, O sa fiše le ge e le go tonya, ke tlo Go thswa molomong waka.

Gobane O re; Ke mohumi, ke ruile, Ga ke hloke selo, mme ga O tsebe ge O le yo madimabe, ge O nyamiša, ge O le modiitšana, ge O le sefoufou, ge O hlobotše.

Ke Go eletša ke re: Reka go Nna gauta ye e tšwago meubeng O hume, O reke le aparo tše dithšweu, O apare, gore hlong tša gago di se bonwe, O reke sehlare sa go tlotša mahlo a gago, O tle O bone.

Nna ba ke ba ratago, ke a ba sola, ke a ba etetša: Phafoga-ge, O sokologe.

O tsebe, gore ke eme mojako, ke a opa-opa: Ge motho a ekwa Lentšu la ka, a bula mojako, ke tlo tsena go yena, ka lalela nae, yena a lalela le Nna.

E a fenyago ke tlo mo dudiša le Nna sedulong sa-ka sa bogoši, bjalo ka ge Nna ke fentše, ka dula le Tate sedulong sa gagwe sa bogoši.

E a nago le tsebe, a a kwe se Moya o se botšago diphuthego.

Motseta

Ga ke kgolwe gabotsebotse ge eba nakong ye nngwe go ile gwa tsebja motseta wa therešo yo Modimo a mo romilego go yona, ka ntle le nakong ya pele yeo Paulo ebilego motseta. Le yona nakong yeo ba bantšhi ba štilwe go mo tseba seo e bego ele sona.

Bjale nako ye re phelago go yona e tlide goba e kopana kudu. Ditiragalo di tlide go bonagatšwa ka pela. Ka fao motseta wa nako Ye ya Laoditšea o swanetše go ba mo bjale, le ge mohlomongwe re sa tšwa re mo tseba. Eupša go etla nako yeo ka kgonthe a tlago tsebja. Bjale nna nka laetša bohlatse ka gobane re nale Mangwalo a a hlaološago bodiredi bja gagwe.

Sa pele, motseta yoo o tlide goba moporofeta. O tlide go ba le ofisi ya moporofeta. O tlide go ba le bodiredi bja seporofeto. E tlaiba yeo e theilwego ka bottlalo mo Lentšung ka gobane ge a porofeta goba a bona pono, ka mehla e tlaiba yeo e “theilwego Lentšung” gomme KA MEHLA e tla phethagala. O tla bonagala gore ke moporofeta ka baka la go nepa ga gagwe. Bohlatsa bja gore ke moporofeta bo hwetšwa go Kutollo 10:7, “Se se tlogo ba gona mehleng ya ge go kwala lentšu la morongwa wa go šupa ge a tlo letša phalafala, ke go phethega ga thopa ya Modimo ye a e boditšego baporofeta bahlanka, ba Gagwe.” Bjale motho yo, mo temaneng ye a bitšwago “lengelo” mo phetholelong ya King James GA se sephedi sa legodimo. Morongwa wa go letša phalafala ya go selela, yo e lego sephedi sa legodimo, o mo go Kutollo 9:13, gomme morongwa wa go šupa ka tatelano o mo go Kutollo 11:15. Yo mo go Kutollo 10:7 ke motseta wa nako ya go šupa gomme ke motho, gomme o tla tliša molaetša o tšwago go Modimo, gomme molaetša le bodiredi bja gagwe e tlide go phethagatša sephiri sa Modimo seo a se begetšego bahlanka ba Gagwe, baporofeta. Modimo o tlide go tšeа motseta yo wa mafelelo bjalo ka moporofeta KA GOBANE KE MOPOROFETA. Ke seo Paulo e bego ele sona nakong ya pele, le nakong ye ya mafelelo o sale yena, gape. Amos 3:6-7, “A fa phalafala e ka letšwa mo motseng, batho ba se tšhogę? A kotsi e ka wela motse, Morena a se dire selo? Gobane Morena Mong a bohole a ka se ke a dira selo, baboni bahlanka ba bangwe a sešo a ba botša thopa ya Gagwe.”

E be ele nakong ya bofelo ge medumo e šupago ya Jesu e tšwelela. Kutollo 10:3-4, “A hlaboša lentšu le legolo, wa tau ge e lla, ge a le hlaboša, medumo e šupilego ya kwača mantšu a yona. Ge medumo yeo e šupago e kwaditše mantšu a yona, nna ka re ke a ngwala: Ka kwa lentšu leo le tšwago legodimong le bolela le nna le re; Phuthela o ute tše di boletšwego ke medumo yeo e šupago, o se ke wa di ngwala.” Tše di be go di le ka go medumo yeo ga go yo a di tsebago. Feela re swanetše go tseba. Gomme go tla tšeа moporofeta go hwetša kutollo ka gobane Modimo ga a na tsela ye nngwe ya go tliša kutollo ka Mangwalo a Gagwe ge e se ka moporofeta. Lentšu ka mehla le tlide ka moporofeta gomme le tla fela le etla ka yena. Gore se ke molao wa Modimo ke bohlatse ka go fo nyakišiša Mangwalo. Modimo yo a sa fetogego wa ditsela tše di sa fetogego ka mokgwa o motee woo a rometše moporofeta wa Gagwe dinakong ka

moka moo batho ba arogilego taelong e Kgethwa. Ka bobedi baithutatumelo le batho ba tlogetše Lentšu, Modimo ka mehla o rometše mohlanka wa Gagwe go batho (eupša ka ntle ga baithutatumelo) gore a phošolle thuto ya maaka gomme a hlahlele batho go boela go Modimo.

Ka fao re bona morongwa wa nako ya go šupa a etla, gomme ke moporofeta.

Ga re bone feela moromiwa yo a tšwelela mo go Kutollo 10:7, eupša re hwetše Lentšu le bolela ka go tla ga Eliya pele Jesu a bowa. Mo go Mateo 17:10, "Barutiwa ba Gagwe ba Mmotšiša, ba re, Ba-Mangwalo ba ra'ng ge ba re Eliya ke wa go tla pele?" Gomme Jesu a re, Eliya ka nnete o swanetše go tla, go bošetša tšohle." Pele ga gotla ga Morena, Eliya o swanetše go tla gape go tlela mošomo wa go bušetša mo phuthegong. Ke seo Maleaki 4:5 a se bolelago, "Tsebang gore Nna ke tlo roma Eliya moporofeta a tlo tla go lena go sešo gwa fihla tšatši leo le legolo le le šiišago la Morena: Yena o tlo sokolla dipelo tša bo-tatago bana gore ba boele go bana ba bona, le dipelo tša bana gore di boele go bo-tatabo, gore ke se tlo tla ka otla lefase ka le lahla moka." Go na le kgonthye yeo e sa ganetšegego ya gore Eliya ke wa go tla pele ga maboo a Jesu. O nale modiro o itseng wo a swanetšego go o phethagatša. Mošomo woo ke seripa sa Maleaki 4:6 se se rego: "yena o tlo sokolla dipelo tša bana gore di boele go bo-tatabo." Lebaka leo le dirago gore re tsebe seo ke mošomo wo o itšego a swanetšego go o dira nakong ye ke ka lebaka la gore o setše a phethile seripa sa ona seo se re go "Yena o tlo sokolla dipelo tša bo-tatago-bana gore ba boele go bana ba bona" nakong ya ge bodiredi bja Eliya bole mo go Johane mokolobetši. Luka 1:17, "Me o tlo ba eta-pele ka Moya wa Eliya le ka matla a Gagwe, gore dipelo tša bo-tatago bana a di sokollele go bana ba bona, le baganyetši a ba sokollele bohlaleng bja Baloki, e be go lokišetša Morena setšhaba se se itlhamelego." Bodireding bja Johane "dipelo tša bo-tatago-bana di sokolletšwe go bana." Re tsebe ka gobane Jesu o boletše bjalo. Eupša ga ere dipelo tša bana di sokolletšwe go bo-tatabo bana. Seo se sa tlo direga. Dipelo tša bana ba nakong ya bofelo di tla sokollelwa go bo-tatago bana ba nakong ya Pentecose. Johane o lokišeditše Jesu dipelo tša bo-tatago bana go amogela bana ka mo molokong. Bjale moporofeta yo Moya wa Eliya o logo go yena o tla lokiša bana go amogela Jesu.

Jesu o beditše Johane Mokolobetši, Eliya. Mateo 17:12, "Gomme ke a le botša Eliya o be a tlide, mme ga ba ka ba mo tseba, ba modirile ka mo ba ratilego." Lebaka leo la go dira gore Johane a bitšwe Eliya, ke gore Moya wo o bego ole go Eliya o tlide go Johane, bjale ka ge Moya woo o ile wa tla go Elisha ka morago ga pušo ya Kgoši Ahaba. Bjale wona Moya woo otla buša wa tla gape go monna o mongwe pele ga maboo a Jesu. E tlo ba moporofeta. O tla hlatselwa bjalo ke Modimo. Bjale ka ge Jesu, ka bo Yena, a ka sebe mo ka sebele go tla go mohlatsele (bjalo ka ge a dirile ka Johane) se tla dirwa ke Moya o Mokgethwa gore bodiredi bja moporofeta wo botla latelwa ke mediro e matla le ponagatšo ye makatšago. Bjalo ka moporofeta, kutollo ye nngwe le ye nngwe e tlo hlatselwa, ka gore

kutollo ye nngwe le e nngwe e tla phethagala. Mediro ye maatla ye e makatšago e tla dirwa ka taelo tša gagwe tša tumelo. Go tla tliswa molaetša woo Modimo a mo filego ka Lentšu go bušetša batho therešong le matleng a therešo a Modimo. Ba bangwe ba tla thaetša, eupša ba bantšhi ba tla kitimela go ikaga mekgweng ba mo latola.

Bjale ka ge moporofeta wo wa morongwa wa Kutollo 10:7 a tlo ba bjalo ka Maleaki 4:5-6 o tla swana le Eliya le Johana ka tlhago. Bobedi bja bona ebole banna ba ba hlaotšwego mo bodumeding bjo bo bego bo amogelwa ke dikolo nakong yeo. Bobedi bja bona ebe ele banna ba lešoka. Bobedi ba be ba dira ge feela ba na le "O rialo Morena," ye e tšwago thwii go Modimo ka kutollo. Bobedi ba be ba ganetša tshepidišo ya bodumedi le baetapele ba nako ya bona. E sego seo feela, ba be ba ganetša bohole bao ba ba bego ba senyegile, goba ba kago senya ba bangwe. Bjale lemoga, bobedi ba porofetile kgahlanong le basadi ba go hloka maitshwaro le ditsela tša bona. Eliya o goeeditše kgahlanong le Isebele, gomme Johana o kgadile Herodias, mosadi wa Filipi.

Le ge aka se tume, o tla hlatselwa ke Modimo. Bjale ka ge Jesu a hlatsetše Johane, Moya o Mokgethwa o hlatsetše Jesu, le rena re ka letela gabotsebotse gore monna yoo sa pele otla bonagatšwa ke Moya o šoma bophelong bja gagwe ka ditiro tše maatla tše di sa ganetšegego di ka se hwetšego felo; Gomme Jesu ka bo Yena, maboong a gagwe, O tla mo hlatsetša, bjalo ka ge a hlatsetše Johane. Johane o hlatsela gore Jesu o etla, — gomme go tla ba bjalo ka monna yo, bjalo ka Johane, o tla hlatsela gore Jesu o e tla. Le maboo a Kriste ka bo ona a tla kgonthiša gore monna yo ka therešo ke ketapele ya maboo a Gagwe la bobedi. Bjo ke bohlatsse bja mafelelo bjo bo tiilego bja gore ka nnete yo ke moporofeta wa Maleaki 4, ka gobane bofelo bja nako ya Bantle e tla ba Jesu, ka bo Yena, ge a bonagala. Ka go rialo nako e tla be e sa hlwe ele gona go ba ba mo gannego.

Gore re kgone go tšwelapele ka go hlatholla tšweletšo ya rena ya moporofeta wa nako ye ya bofelo, a re lemogeng gore moporofeta wa Mateo 11:12, ke Johane Mokolobetši, yo go boletšwego ka yena mo go Maleaki 3:1, "Ke nna e, ke roma motseta Wa ka, gore a Nthulele tsela, gomme Mong a lena, Yo le mo nyakago, o tlo tloga a etla ntlongkethwa ya Gagwe, yena Motseta wa Kgwerano, Yo le mo thabelago; Tsebang, O etla, O realo Morena wa Mašaba." Mateo 11:1-12. "Eitše, ge Jesu a feditše go laela barutiwa ga gagwe ba lesome le metšo e mebedi, a tloga moo a yo goelela a ruta batho metseng ya bona. Gomme Johane a le kgolegong a kwa go bolelwa mediro ya Kriste, mme a roma ba babedi ba barutiwa ba gagwe, A botšiša Jesu a re, A ke wena e a boletšwego athwe: O etla, Goba re sa letela e mongwe? Jesu a fetola a re, Yang le tsebiše Johane tše le dikwago le tše le di bonego: Difofu di a bona; dihlotša di a sepela; ba lephera ba a fodišwa; difoa dia kwa; bahu ba a tsoga; mme bahumanegi ba begelwa taba tše botse. Mme le mmotše le re: Wa lehlogenolo ke eo a sa kgopjego ka Nna. Ya re ge bao ba sepela, Jesu a thoma go bolela le mašaba a batho ka tša Johane, a re: le be le tšwetše šokeng go bonang? A le be le bona lehlaka le le tšokotšwago

ke phefo? Ke re le be le tšwetše go bonang? A le be le bona motho moapara tše boleta? Bonang! Baapari ba tše boleta bale nywakong ya dikgoši. Ke re, le be le tšwetše go bonang? A le be le re le bona moporofeta? Ka kgonthe! Ke a le botša; ke e a fetago le moporofeta. Gobane le yena, e a ngwadilwego a thwe. Ke nna e! Ke roma motseta wa ka wa go nketa pele, ago nthulela tsela. Ruri ke a le botša, mo go ba ba belegwego ke mosadi ga go ešo gwa tsoga e mongwe e a fetago Johane Mokolobetši: fela yo e lego e monnyennyane mmušong wa magodimo o a mo feta.” Se se setše se phethegile. Se se diregile. Go fedile. Eupša hlokomela bjale go Maleaki 4:1-6, “Tsebang, letšatši le etla, leo le fišago wa leretha; gomme baipoti bohole, bona, le badiradibe, e tlo ba makobi, gomme letšatši leo le tlagi le tlo ba tšhuma, o realo Morena wa Mašaba, le se ba šadiše modu le lekala. Ge ele lena ba le boifago ina la ka, le tlo hlabelwa ke tšatši la toko la phodišo diphegong tša lena, la tlo tšwa le kgarama wa mamane a nonnego. Gomme ba babe ba tlo gatakelwa, ka gobane ba tlo etša molora ka tlase ga dinao tša lena, ka tšatši leo nna ke le beilego, O realo Morena wa mašaba. Se lebaleng molao wa Moše mohlanka wa ka, wo ke o laetšego yena thabeng ya Horebe gore a o nee bohole Ba-Israele, e le ditaelo le dikahlolo. Tsebang, gore Nna ke tlo roma Eliya moporofeta a tlo tla go lena, go sešo gwa fihla tšatši leo le legolo le le šiišago la Morena. Yena o tla sokolla dipelo tša botatago-bana gore ba boele go bana ba bona, le dipelo tša bana gore di boele go bo-tatago bona, gore ke se tlo tla ka otla lefase ka le lahla moka.” Bona, ka bo nakwana morago ga maboo a Eliya YO, lefase le tla hlwekišwa ka mollo baipoti ba tlo tšhungwa wa melora. Ka nnete, seo GA sa ka sa direga nakong ya Johane (Eliya wa nako ya gagwe). Moya wa Modimo wo o porofetilego go tla ga motseta wa Maleaki 3:1 (Johane) o be a boeletša polelo ya Gagwe ye e fetilego ya sephorofeto ya Jesaya 40:3 seo se dirilwego mengwaga e makgolo a mararo a fetilego, “Lentšu la segoledi le šokeng, Lekelelanyang tsela ya Morena lešokeng; molaleng le lokiše mmila wa Modimo wa rena.” Bjale Johane, ka Moya o Mokgethwa, o boletše seo se lego go Jesaya le Maleaki mo go Mateo 3:3.” Ke yena yo moporofeta Jesaya a mmoletšego, a re, Lentšu la segoledi lešokeng le re, thakgang mmila wa Morena, le lekelelanye ditsela tša Gagwe.” Bjale re ka bona gabotse mo mangwalong a gore moporofeta wa Maleaki 3, wo e lego Johane, GA se moporofeta wa Maleaki 4, le ge ka kgonthe, bobedi Johane le moporofeta yo wa nako ya bofelo ba na le Moya wa go swana mo go bona woo o bego ole go Eliya.

Bjale motseta yo wa Maleaki 4, le Kutollo 10:7 o ile go dira dilo tše pedi. Sa pele: go ya ka Maleaki 4 otla sokolla dipelo tša bana gore di boele go bo-tata-bo. Sa bobedi: o tla utolla thopa ya medumo ye e šupago ya Kutollo 10 e lego dikutollo tše di lego ka mahutong a šupago. E tlaba kutollo e kgethwa ye e utollogilego “sephiri-sa-therešo” seo ka kgonthe se tlagi bušetša dipelo tša bana go bo-tatago bona ba pentekosete. Go no ba bjalo.

Eupša hlokomela se gape. Moporfeta-motseta o tla ba le tlhago le mekgwa ya go swana le ya Eliya le Johane. Batho ba nakong ya moporofeta-motseta ba tla swana le batho ba nakong ya Ahaba, le ba

nakong ya Johane. Bjale ka ge e le “BANA FEELA” bao dipelo tša bona di tlago retollwa, ke bana fela bao ba tlogo theeletša. Nakong ya Ahaba peu ya therešo ya ba Israele ba 7,000 feela ile ya hwetšwa. Nakong ya Johane go be go le bao e sego ba bakae. Bontšhi bja batho mo mabakeng ao ba be bale bootsweng bja go hlankela medimo.

Ke rata go dira papišo ye nngwe magareng a moporofeta-motseta wa Laodišea le Johane, moporofeta-motseta wo a etilego go tla ga Jesu la mathomo pele. Batho nakong ya Johane ba dirile phošo ya go motšea go ba Mesia. Johane 1:19-20, “Bohlatse bja Johane šebo, ke bja mohla Ba-Juda ba romile bapirisita le Ba-Lefi ba tla ba e-tšwa Jerusalema ba mmotšiša ba re, O mang? Johane o ipoletše, a se latole, a ipolela are, Nna, ga se nna Kriste.” Bjale moporofeta-motseta wa nako ya bofela o tla ba le matla ao pele ga Morena go fihla go eba bao ba tlo go dira phošo ya go mo tšeа gore ke Morena Jesu. (Go tla ba moya lefaseng nakong ya bofelo wo o tlago gokagoketša ba bangwe wa ba dira gore ba dumele se. Mateo 24:23-26, “Gobane go tlo tsoga bo-Kriste ba maaaka, le baporofeta ba maaaka, ba tlo tšweletša mehlolo e megolo le matete, gore, ge go kgonega, ba fore le bona bakgethwa. Le tsebe, gobane ke le boditše di sešo tša ba gona. Ke gona ge ba ka le botša ba re, Šoola, o kwa lešokeng; Le se ke la tšwela gona; Ge ba ka re; šo o ka fa phapošing ya ngwako; le se ke la dumela.”) Eupša le se ke la dumela seo. Ga se Jesu Kriste. Ga se Morwa wa Modimo. KE O MONGWE WA BANABEŠO, MOPOROFETA, MOTSETA, MOHLANKA WA MODIMO. Ga a nyaka go fiwa tlhompho e kgolo go feta ye Johane a e hweditšego ge ebe ele lentšu la segoledi, “Ga se nna Yena, EUPŠA YENA O TLA KA MORAGO GAKA.”

Pele re tswalela seripa se sa motseta wa Mehleng ya Lauditšea, ka kgonthre re swanetše go ela kgopolo tše hloko. Sa pele, mehla goba naka ye etla ba le moporofeta-motseta o TEE. Kutollo 10:7, ere, “Ge yena (o tee) a thoma go goeletša.” Ga gwa ka gwa ba nako yeo ka yona Modimo a kilego a fa batho ba Gagwe baporofeta ba babedi ba bagolo ka nako e tee. O romile Henoge (a nnoši); o romile Noage (a nnoši); o romile Moše (yena a nnoši o be a swere Lentšu le ge bangwe ba be ba porofeta); Johane molokobetši o tlide a NNOŠI. Le bjale letšatšing le la bofelo go swanetše go ba le MOPOROFETA. (e sego moporofeta wa mosadi - le ge mehleng yeno go na le basadi ba bantšhi bao ba tšeago gore ba fa kutollo ya Modimo go feta banna), gape Lentšu leo le sa thišego le re yena *monna* (moporofeta) o tla utolla dithopa go batho ba mehla ya bofela, gape o tla boetša dipelo tša bana go botatabo. Go na le bao ba rego batho ba Modimo ba tla kopana mmogo ka *kutollo ya mohlakanelwa*. Ke ganetša polelo yeo. Ke taba ya go hloka thekgo, ya go hloka bohlatse ge re e lebelela ka Kutollo 10:7. Bjale ga ke gane gore batho ba tla porofeta mehleng ye ya bofelo le bodiredi bja bona bja kgona gomme bja rereša. Ga ke gane gore go tla ba le baporofeta bjalo ka ge matšatšing a Paulo ge go be gole o “tee Agabus moporofeta yo a porofetilego ka tlala.” Ke a dumela gore go bjalo. EUPŠA KE GANA KA DITŠHUPO TŠEO DI SA GANETSEGO TŠA LENTŠU GORE GO NA LE MOPOROFETA-MOTSETA YO MOGOLO WA GO FETA O TEE

YOO A TLOGO UTOLLA DITHOPA TŠA LENTŠU, GAPE YO BODIREDI BJA GAGWE BO TLAGO BOETŠA DIPELO TŠA BANA GO BOTATABO. "O rialo Morena" ka Lentšu leo le sa thišego O tla ema, gomme a bonagatšwa. Go na le moporofeta-motseta o tee mehleng ye. Motheong wa boitshwaro bja setho feela, mang le mang o wa tseba gore fao go lego batho ba bantšhi go na le dikgopolole tše difapanego go dintlha tše o sego tše bohlokwa tša thuto ya motheo tše ba di swerego mmogo. Bjale ke mang yo a tlogo ba le maatla-a-sapalelwego ao a tlogo bušetšwa mehleng ye ya bofelo, ka gore mehla ye ya bofelo e tlie go boela morago go bonagatšeng Makoti Lentšu yo a Hlwekilego? Seo se ra gore re ya go ba le Lentšu gape bjalo ka ge le le filwe, le phethagetše le kwišiſtwe ka phethagalo matšatšing a Paulo. Ke tla go botša yo a tlogo go ba le lona. E tla ba moporofeta yo a tlogo bonagatšwa, goba gape gabotse a bonagatšwe go feta moporofeta yo mongwe le yo mongwe mabakeng ka moka go tloga ka Henoge go fihla lehono, ka gobane monna yo ka tshwanelo o tla ba le bodiredi bja seporofeto ya leswikahlogo, gomme Modimo o tla mmonagatša. A ka se rate go ipolela, Modimo o tla mmolelela ka lentšu la seka. Amene.

Kgopolo ya bobedi yeo e swanetšego go gatelelwa dipelong tša rena ke ya gore mabaka a diphuthego tše dišupago a thomile le moywa molwa le Kreste gape le Moya o Mokgethwa Wo o swanetšwego ke tšhegofatšo ya go ya go ile. I Johane 4:1, "Barategi, le se ke la fo dumela meoya ka moka; sa lena a e be go lekola meoya gore le bone ge e tšwa go Modimo: gobane lefase le hlasetšwe ke baporofeta ba bantšhi ba maaka." Naa le lemogile seo? Moya wa molwa le Kriste o swantšhwa le baporofeta ba maaka. Mehla e tlie le baporofeta ba maaka gomme e tla ba ya goma le baporofeta ba maaka. Bjale ka nnete go tlie go ba MOPOROFETA WA MAAKA KA KGONTHE ka kgopolo e kaone ya monna yoo a boletšwego mo go Kutollo. Eupša bjale pele ga kutollo ya gagwe go tla tšwelela baporofeta ba bantšhi ba maaka. Mateo 24:23-26, "Mehleng yeo ge motho a le botša a re, Bonang, Kriste šoo, goba a re: šoola; se dumeleng. Gobane go tlo tsoga boKriste ba maaka, le baporofeta ba maaka, ba tlo tšweletša mehlolo e megolo le matete, gore, ge go kgonega, ba fore le bona bakgethwa. Le tsebe, gobane ke le boditše di sešo tša ba gona. Ke gona ge ba ka le botša ba re, šoola, o kwa lešokeng; le se ke la tšwela gona: Ge ba ka re šo, o ka fa phapošing ya ngwako; le se ke la dumela." Baporofeta ba ba maaka re sebuditšwe ka bona Mangwalong a mantšhi bjalo ka a latelago. II Peter 2:1-2, "Baporofeta ba maaka le bona ba be ba le gona setšhabeng, le mo go lena baruti ba maaka ba tlo ba gona, ba ba tlogo tliša dikarogo tše diišago tshenyegong, ba hlanogela Morena wa bona yo a ba rekilego ba ikobela tshenyegyo ye e tlogo ka bjako. Ba bantšhi ba tlo ya nabo ba keka le ditšila; ke bona ba go tlo nyatšiša tsela ya therešo." II Timothy 4:3-4, "Gobane go tlo tla lebakla le ba ka se kego ba kgonia go theetša thuto ye e phedilego; ba tlo ikgobela baruti ka go ya le dikganyogo tša bona, ka go rata go kwiša ditsebe bose; Gobane ditsebe tša bona di tlo hlala therešo; ba tlo boela dinonwaneng." I Timothy 4:1. "Moya o boletše gwa kwala, wa re mehleng e tlogo tla ba bangwe ba tlo hlanogela tumelo, ba ya

le meoya ya go fora batho, ba ya le dithuto tša meoya e mebe.” Bjale mo-gongwe le mo-gongwe le tla lemoga gore moporofeta wa maaka ke yo a lego ka ntle ga Lentšu. Bjale ka ge re le laeditše gore “molwaleKriste” ke gore “molwa-le-Lentšu,” bjale baporofeta ba ba maaka ba tšhilafatša Lentšu, ba le fa thlaološo yeo e swanelago mediro ya bona e mebe. Naa o šetše o lemogile ka moo batho ba ba timetšago ba bangwe ba ba tlemelela go bona ka letšhogo? Ba re ge batho ba sa dire seo ba se bolelago, goba ge ba tloga, tshenyego e tla latela. Ke baporofeta ba maaka, gobane moporofeta wa therešo ka mehla o tla hlahlela motho Lentšung gomme a tlemelela batho go Jesu Kriste eupša a ka se botše batho gore ba mmoife goba se a se bolelago, eupša go boifa seo se bolelwago ke Lentšu. Bona ka fao batho ba bjalo ka Judas ba tšwetšego tšelete ka gona. Ba go dira gore o rekiše tša gago tšohle o neele bona le maano a bona. Ba tšeа nako e ntšhi go meneelo go feta Lentšu. Bao ba lekago go diriša dimpho ba tla diriša dimpho tšeо di nago le morumo wa phošo ka gare gomme ba kgopele tšelete, ba hlokomologa Lentšu gomme ba bitša seo gore ke sa Modimo. Gomme batho ba tlaya go bona, ba ema le bona, ba ba thekga, ba ba dumela, ba sa tsebe ge ele tsela ya lehu. Go bjalo, lefase le tletše baekiši ba nama. Mehleng ya bofelo ba tla leka go ekiša moporofeta-motseta yoo. Barwa ba bašupago ba Sekefa ba ile ba leka go ekiša Paulo. Simone wa maleya o likile go ekiša Petro. Boekiši bja bona e tla ba bja nama. Ba ka se kgone go tšweletša seo moporofeta wa therešo a se tšweletšago. Ge a re tsošeletšo e fetile ba tla sepela ba bolela kutollo e kgolo gore seo batho ba se swerego ke therešo gomme Modimo O ya go dira tše kgolo go fetiša tše dimakatšago magareng a bona. Gomme batho ba tlo di latela. Baporofeta ba ba maaka ba tla bolela gore motseta wa mehleng ya bofelo ga se moithuta-tumelo, ka gona ga se a swanela go kwewa. Ba ka se kgone go tšweletša seo motseta a se kgonago; ba ka se hlatselwe ke Modimo bjalo ka moporofeta wo wa letšatši la bofelo, eupša ka mantšu a bona a boikgogomošo le ka boima bja go tsebalega gampe ga bona lefaseng ka bophara ba tla sebotša batho gore ba seke ba kwa monna yoo (motseta) ba tla re o ruta phošo. Ba kitimela thwii go botatabo, ba Farasei, bao e bego ele ba o mobe, ka gore ba boletše gore bo-bedi Johane le Jesu ba rutile phošo.

Bjale ke ka lebaka la eng baporofeta ba maaka ba ema kgahlanong le moporofeta wa therešo ba nyatša thuto ya gagwe? Ka gobane ba kitima ka sebopego se tee bjalo ka ge botatabomogolo ba dirile mehleng ya Ahaba ge ba ganetšana le Mika. Go be go na le ba makgolo a mane bao ka moka ba bego ba kwana, ba bolela selo se tee, ba tlaetša batho. Eupša moporofeta o TEE—o tee feela—o be a rereša ba bangwe ka moka ba be ba aketša ka gobane Modimo o beile kutollo go o TEE FEELA.

Phafogelang baporofeta ba maaka, ka gobane ke diphiri tše gagolago.

Ge o sa na le go se dumele mabapi le se kgopela Modimo gore a go tlatše ka Moya wa Gagwe wo mokgethwa a go hlahle, GOBANE BAKGETHWA BA KA SE FORWE. Naa o kwisišitše seo? Ga gona motho yo a ka kgonago go le fora. Paulo ga aka a kgonago go fora

mohlaola e mongwe, ge aka be ale phošo. Gomme le mehleng ya pele ya Efesu bahlaolwa ba be ba ka se forwe ka gobane ba lekile baapostola ba maaka le baporofeta ba hwetša e le ba maaka gomme ba ba raka. Haleluya. Dinku tša GAGWE di kwa lentšu la GAGWE gomme di a MO latela. Amene. Ke a e dumela.



PILARA YA MOLLO

Pilara ya Mollo ka godimo ga hlogo ya Ngwanešu Branham e tserwe kua Houston, Texas, ka Janaware 1950, gomme e be e mo felegetša go tloga go belegweng ga gagwe ka 1909. Tirelong ya kolobetšo ka 1933 Nokeng ya Ohio Jeffersonville, Indiana, sona Selo se sa ka godimo ga tlhago se bonagetše pele ga makgolo a batho, sa re go yena, “Bjale ka ge Johane Mokolobetsi a etile go tla ga Kriste la mathomo pele, wena o tla eta go tla ga Gagwe la Bobedi Pele.”

Molaetša wo ka Ngwanešu William Marrion Branham, *Motseta le Tshebotšo Ya Mafelelo Ya Moya*, o tserwe go tšwa Phuthegong ya Laoditsea temeng ya puku ya gagwe yeo e bitšwago “*An Exposition of the Seven Church Ages*”, gape e ngwadilwe ntle le notlotfatšwa le gona e phatlalatšwa ka *ntle le tefo* ke The Voice of God Recordings.

NORTH SOTHO

©1992 VGR, ALL RIGHTS RESERVED

Ditsopolwa tše di lego godimo ga sekwakwa di tserwe gona ka mo pukung yeo. Melaetša ya mathomo ka Ngwanešu William Marrion Branham e gatišitšwe mo dikgatišong tša makenete, go na le 1100 tše di hwetšwago, gomme di tšweletšwa ntle le go hlahlifiwa. Tše ntši tša dithero tše di ka sebopego sa puku, gomme di gatišitšwe ka ntle le phetogo gape di phatlalatšwa ka *ntle ga theko*. Dikhasete, dipuku, difilimi, diswantšho le tše dingwe tše bohlokwa tše di tsebatšago bodiredi bja gagwe lefaseng ka bophara di hwetšagala ka go ngwalela go:

VOICE OF GOD RECORDINGS, SOUTH AFRICA OFFICE
P.O. Box 178, SOMERSET WEST, 7129 CAPE PROVINCE REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tshebotšo Ya Mafelelo Ya Moya

Kutollo 3:22, “E a nago le tsebe, a a kwe se Moya o se botšago diphuthego.”

Ye ke tshebotšo ya MAFELELO. Go ka se sa bile ye nngwe. Phapoši ya terone e beakantswe. Metheo ye lesomepedi e beilwe. Mekgotha ya gauta e manegilwe. Dikgoro tše kgolo tša dipheta di phagamisitšwe gape di folletšwe. Bjalo ka phiramiti o eme gabotse e le wa letago. Diphedi tša legodimo tše di mo lokišitšego di mo tsepeletše di sa heme, ka gobane o gadima a phadima ka letago leo e sego la lefase. Karolo ye nngwe le ye nngwe ya botse bja gagwe e bolela taba ya go makatša ya mogau le lerato la Jesu. Ke motse wo o lokišeditšwego batho bao ba itokišitšego. O letetše fela badudi ba wona, gomme ka bonakwanyana ba tla be ba tlala mekgotha ya wona ka lethabo. Ee, ke pišo ya mafeleo. *Moya o ka se sa bolela nakong ye nngwe gape.* Mehla e fetile.

Eupša a go lebogwe Modimo, ka se sebaka, nako ye ga se ya be ya feta. O sa goeletša le bjale. Kgoeletšo ya Gagwe ga se ya ditsebe tša moya fela ya batho ka Moya wa Gagwe, eupša gape moporofeta o gona mo nageng. Gape Modimo o tlo utolla therešo bjalo ka ge A dirile go Paulo. Matšatšing a morongwa wa bošupa, matšatšing a Mehleng ya Laoditšea, motseta wa yona o utolla bjalo ka ge di utollotšwe go Paulo. O tlo bolela, gomme ba ba amogelago moporofeta ka leina la gagwe ba tla amogela moputso wa bodiredi bja moporofeta. Gomme ba ba mo kwago ba tla šegofatšwa gomme ba tla ba seripa sa monyalwa wa matšatši a mafelelo yo a boletšwego go Kutollo 22:17, “Moya le monyalwa ba re tla.” Peu ya lebole (Peu ya Monyalwa) yeo e wetšego mobung kua Nicea e boetše Peung ya Lentšu la mathomo gape. A go tumišwe Modimo ka go sa felego. Ee, theeletša moporofeta wa Modimo yo a hlatsetšwego yo a bonagetšego mehleng ye ya mafelelo. Seo a se bolelago se etšwa go Modimo, monyalwa o tla se bolela. Moya le moporofeta le monyalwa ba tla be ba bolela sa go swana. Gomme se ba tlago go se bolela se tla be se šetše se boletšwe Lentšung. Ba a se bolela gona bjale, “Tšwang go yena le ikaroganyeng.” Kgoeletšo ye e tšwele. Kgoeletšo ye e sa tšwa. Lentšu le tla goeletša go le go kae? Ga re tsebe, eupša se tee seo re se tsebago, ke gore e ka se be kgale, ka gobane ye ke mehleng ya mafelelo.

E a nago le tsebe, a a kwe se Moya o se botšago diphuthego. Moya o boletše. Letšatši leo le dikelago le kgauswi le go subeleta diphuthego go ya ka go sa felego. Bjale go tla be go fedile. Bjale nako e tla be e fetile gore o ka tla. Eupša ge mogongwe mo ditiragalang Modimo a šomane le bophelo bja gago ka Moya wa Gagwe, ka kgopelo boela go Yena ka tshokologo gomme o neele bophelo bja gago go Yena gore ka Moya wa Gagwe a go fe bophelo bjo sa felego.

“O RIALO MORENA”

“lentšu la morongwa wa go šupa”

“moporofeta—motseta o tee mehleng ye”

“maatla a sa palelwego”

“leswikahlogo la bodiredi bja seporofeto”

“moporofeta motseta wa Kotullo 10:7”

“wa go swana le Maleaki 4:5-6”

“o hlatsetšwe ke Modimo”

“o bonagaditšwe ke Moya”

“moetapele wa mabowo a Gagwe la bobedi”

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org